


## Navoiy viloyatida o'rtacha oylik nominal hisoblangan ish haqi 2026-yil yanvar-mart oylari uchun (dastlabki ma'lumotlar)

- I. O'rtacha oylik nominal hisoblangan ish haqining yillar bo'yicha o'zgarish dinamikasi.
- II. Hududlar bo'yicha o'rtacha oylik nominal ish haqi.
- III. Iqtisodiy faoliyat turlari bo'yicha o'rtacha oylik nominal hisoblangan ish haqi.
- IV. O'rtacha oylik nominal hisoblangan ish haqining iqtisodiy faoliyat turlari bo'yicha dinamikasi.
- V. O'rtacha oylik nominal hisoblangan ish haqi bo'yicha uslubiy tushuntirishlar va metama'lumotlar.

### I. O'rtacha oylik nominal hisoblangan ish haqining yillar bo'yicha o'zgarishi dinamikasi

Navoiy viloyatida 2026-yil yanvar-mart oylarida o'rtacha oylik ish haqi 8 453,2 ming so'mni tashkil etib, o'tgan yilning mos davriga nisbatan 15,7 % ga o'sgan.

Yillar kesimda o'rtacha oylik ish haqi, ming so'm



#### Mavzuga doir ko'rsatkichlar:

[Iqtisodiy faoliyat turlari bo'yicha o'rtacha oylik nominal hisoblangan ish haqi \(choraklik\)](#)

[Iqtisodiy faoliyat turlari bo'yicha o'rtacha oylik nominal hisoblangan ish haqi \(yillik\)](#)

[O'rtacha hisoblangan oylik ish haqi \(choraklik\)](#)

[O'rtacha hisoblangan oylik ish haqi \(yillik\)](#)

## II. Hududlar bo'yicha o'rtacha oylik nominal ish haqi miqdori

Hududlar bo'yicha o'rtacha oylik nominal hisoblangan ish haqi miqdori to'g'risidagi ma'lumotlar 2026- yilning yanvar-mart oylari uchun keltirilgan bo'lib, 2025- yilning mos davri bilan taqqoslangan.

	Ming so'm	O'sish sur'ati, % da
<b>Navoiy viloyati</b>	<b>8 453,2</b>	<b>115,7</b>
Navoiy shahri	8 981,1	114,4
Zarafshon shahri	11 705,9	111,5
G'ozg'on shahri	4 354,8	125,4
Karmana tumani	6 095,5	115,7
Konimex tumani	9 018,4	110,5
Qiziltepa tumani	3 616,0	114,1
Navbahor tumani	3 974,9	111,3
Nurota tumani	3 873,9	118,3
Tomdi tumani	7 032,1	168,7
Uchquduq tumani	13 380,4	121,3
Xatirchi tumani	3 985,3	117,5

Hududlar kesimida o'rtacha oylik nominal hisoblangan ish haqlari Uchquduq tumani 13 380,4 ming so'mni tashkil etib, o'tgan yilning mos davriga nisbatan 21,3 % ga o'sganligi kuzatildi.

Shuningdek, bu ko'rsatkich Tomdi tumanida 7 032,1 ming so'mni (o'tgan yilning mos davriga nisbatan o'sish sur'ati 168,7%), G'ozg'on shahrida 4 354,8 ming so'm (125,4%), Uchquduq tumanida 13 380,4 ming so'm (121,3%), Nurota tumanida 3 873,9 ming so'mni (118,3%), Xatirchi tumanida 3 985,3 ming so'mni (117,5%) va Karmana tumanida 6 095,5 ming so'mni (115,7%) ni tashkil etgan.

O'z o'rnida, o'rtacha oylik nominal hisoblangan ish haqi Konimex tumanida 9 018,4 ming so'mni (110,5%), Navbahor tumanida 3 974,9 ming so'mni (111,3%), Zarafshon shahrida 11 705,9 ming so'mni (111,5%), Qiziltepa tumanida 3 616,0 ming so'mni (114,1%) hamda Navoiy shahrida 8 981,1 ming so'm (114,4%) ni tashkil etib, boshqa hududlarga nisbatan o'sish sur'ati pastroq ekanligi kuzatildi.

### Mavzuga doir ko'rsatkichlar:

[Iqtisodiy faoliyat turlari bo'yicha o'rtacha oylik nominal hisoblangan ish haqi \(choraklik\)](#)

### III. Iqtisodiy faoliyat turlari bo'yicha o'rtacha oylik nominal hisoblangan ish haqi.

Iqtisodiy faoliyat turlari bo'yicha o'rtacha oylik nominal ish haqi miqdori haqida ma'lumotlar 2026- yilning yanvar–mart oylariga oid bo'lib, 2025- yilning mos davriga nisbatan taqqoslangan. Bu taqqoslash orqali sohalar kesimida farqlar va o'zgarishlar tahlil qilindi.

Iqtisodiy faoliyat turi nomi	Ming so'm	O'sish sur'ati, %da
Sanoat	12 120,5	115,3
Qurilish	8 583,9	114,0
Savdo	4 523,1	116,5
Tashish va saqlash	6 457,2	111,5
Yashash va ovqatlanish	2 485,7	99,5
Axborot va aloqa	9 553,8	112,1
Bank, sug'urta, lizing, kredit va vositachilik faoliyati	15 037,8	119,9
Ta'lim	4 249,6	113,1
Sog'liqni saqlash va ijtimoiy xizmatlar ko'rsatish	4 209,5	114,6
San'at, ko'ngil ochish va dam olish	3 924,7	124,6
<b>O'rtacha</b>	<b>8 453,2</b>	<b>115,7</b>

O'rtacha oylik nominal ish haqi iqtisodiy faoliyat turlari bo'yicha tahlil qilinganida eng yuqori o'sish sur'atlari san'at, ko'ngil ochish va dam olish sohasida qayd etilganligi, xususan, bu sohada 2025- yilning mos davriga nisbatan o'sish sur'ati 124,6% ni, ish haqi miqdori esa 3 924,7 ming so'mga yetganligi kuzatildi.

Shuningdek, bank, sug'urta, lizing, kredit va vositachilik faoliyati sohasida o'rtacha ish haqi 15 037,8 ming so'mni tashkil etib, o'tgan yilga nisbatan 19,9% ga va savdo yo'nalishida 4 523,1 ming so'mni tashkil etib, 16,5% ga oshganligi kuzatildi.

Shu bilan birga, sanoat sohasida ham sezilarli o'sish sur'ati kuzatilib, ish haqi miqdori 12 120,5 ming so'mni tashkil etib, o'sish 15,3% ga, sog'liqni saqlash va ijtimoiy xizmatlar ko'rsatish sohasida 4 209,5 ming so'mni tashkil etib, 14,6% ga, qurilish sohasi bo'yicha 8 583,9 ming so'mni tashkil etib, 14,0% ga, ta'lim sohasida 4 249,6 ming so'mni tashkil etib, 13,1% ga, axborot va aloqa sohasida 9 553,8 ming so'mni tashkil etib, 12,1% ga va tashish va saqlash sohasida ish haqi miqdori 6 457,2 ming so'mni tashkil etib, 11,5% ga o'sgan bo'lsada, boshqa tarmoqlarga nisbatan o'sish sur'ati pastroq ekanligi kuzatildi.

Bundan tashqari, yashash va ovqatlanish sohasida ish haqi miqdori 2 485,7 ming so'mni tashkil etib, 2025- yilning mos davriga nisbatan o'sish sur'ati 99,5% ni tashkil etdi.

**Mavzuga doir ko'rsatkichlar:**


[Iqtisodiy faoliyat turlari bo'yicha o'rtacha oylik nominal hisoblangan ish haqi \(choraklik\)](#)

#### IV. O'rtacha oylik nominal hisoblangan ish haqining iqtisodiy faoliyat turlari bo'yicha dinamikasi.

Iqtisodiy faoliyat turlari bo'yicha o'rtacha oylik ish haqi miqdorining so'nggi besh yildagi o'zgarishi tahlil etilganida, 2026- yilning 1-choragida bank, sug'urta, lizing, kredit va vositachilik sohasida ish haqi miqdori 15 037,8 ming so'mni tashkil etib, 2022- yilning mos davriga nisbatan 7 663,0 ming so'mga oshganligi kuzatildi.


Shuningdek, so'nggi besh yilda axborot va aloqa sohasi bo'yicha ish haqi miqdori 5 754,6 ming so'mga, sanoat sohasida 5 068,4 ming so'mga, qurilish sohasida 3 343,8 ming so'mga, tashish va saqlash sohasida 3 292,9 ming so'mga hamda savdo sohasida 2 065,4 ming so'mga ko'payganligi kuzatildi.

#### O'rtacha oylik ish haqining iqtisodiy faoliyat turlari bo'yicha o'zgarish dinamikasi, ming so'm




**Sanoat sohasida** o'rtacha oylik ish haqi 12 120,5 ming so'mni tashkil etgan bo'lsa, uning tarkibi bo'yicha o'rtacha oylik ish haqi miqdori tog'-kon sanoati va ochiq konlarni ishlash sohasida 12 206,7 ming so'm, ishlab chiqarish sanoati sohasida 12 332,6 ming so'm, elektr, gaz, bug' bilan ta'minlash va havoni konditsiyalash sohasida 11 598,7 ming so'm hamda suv bilan ta'minlash, kanalizatsiya tizimi, chiqindilarni yig'ish va utilitatsiya qilish sohasida 5 879,3 ming so'm ekanligi kuzatildi.

### Sanoat sohasida ish haqi miqdorining o'zgarish dinamikasi, ming so'm




**Savdo sohasida** o'rtacha oylik ish haqi 4 523,1 ming so'mni tashkil etgan bo'lsa, uning tarkibi bo'yicha o'rtacha oylik ish haqi miqdori avtomobil va mototsikllarning ulgurji va chakana savdosi va ularni ta'mirlash tarmog'i 5 261,1 ming so'mni, avtomobil va mototsikllarning savdosidan tashqari ulgurji savdo 5 331,8 ming so'mni hamda avtomobil va mototsikllarning savdosidan tashqari chakana savdo sohasi 4 229,7 ming so'mni tashkil etgan.

### Savdo sohasida ish haqi miqdorining o'zgarish dinamikasi, ming so'm




**Tashish va saqlash sohasida** o'rtacha oylik ish haqi 6 457,2 ming so'mni tashkil etgan bo'lsa, uning ayrim sohalari bo'yicha o'rtacha oylik ish haqi miqdori ombor xo'jaligi va yordamchi transport faoliyatida 7 867,3 ming so'mni, quruqlikdagi va quvur transporti faoliyatida 6 061,9 ming so'mni hamda pochta va kuryerlik faoliyati sohasida 3 669,0 ming so'mni tashkil etgan.

**Tashish va saqlash sohasida ish haqi o'zgarishi dinamikasi, ming so'm**




**Axborot va aloqa sohasida** o'rtacha oylik ish haqi 9 553,8 ming so'mni tashkil etgan bo'lsa, uning ayrim sohalari bo'yicha o'rtacha oylik ish haqi axborot xizmati ko'rsatish 10 148,3 ming so'mni va kompyuter dasturlashtirish, maslahat berish va boshqa yordamchi xizmatlar sohasida 3 425,0 ming so'mni tashkil etgan.

**Axborot va aloqa sohasida ish haqi o'zgarishi dinamikasi, ming so'm**




**Bank, sug'urta, lizing, kredit va vositachilik sohasida** o'rtacha oylik ish haqi 15 037,8 ming so'mni tashkil etgan bo'lsa, uning tarkibi bo'yicha o'rtacha oylik ish haqi sug'urtalash va nafaqa ta'minotidan tashqari moliyaviy xizmatlar sohasida 14 977,7 ming so'mni hamda majburiy ijtimoiy sug'urtalashdan tashqari, qayta sug'urtalash va nafaqa jamg'armalari faoliyati sohasi 16 899,8 ming so'mni tashkil etgan.

**Bank, sug'urta, lizing, kredit va vositachilik sohasida o'rtacha oylik ish haqi, ming so'm**



**Ta'lim sohasining asosiy tarmoqlari bo'yicha o'rtacha oylik ish haqi, ming so'm**

Ta'lim sohasida o'rtacha oylik ish haqi 4 249,6 ming so'mni tashkil etgan bo'lsa, uning tarkibi bo'yicha o'rtacha oylik ish haqi oliy ta'lim sohasida 10 464,8 ming so'mni, texnik va professional ta'lim 5 390,2 ming so'mni, umumiy o'rta ta'lim 4 185,4 ming so'mni va maktabgacha ta'lim sohasi 2 634,8 ming so'mni tashkil etgan.



**Mavzuga doir ko'rsatkichlar:**

[Iqtisodiy faoliyat turlari bo'yicha o'rtacha oylik nominal hisoblangan ish haqi \(choraklik\)](#)

## V.O'rtacha oylik nominal hisoblangan ish haqi bo'yicha uslubiy tushuntirishlar va metama'lumotlar.

O'zbekiston Respublikasi bo'yicha o'rtacha oylik ish haqi to'g'risidagi ma'lumotlar korxonalar va tashkilotlar tomonidan elektron shaklda, onlayn tarzda taqdim etilgan statistika hisobotlari ma'lumotlari asosida kichik korxonalar, mikrofirmalar va qishloq xo'jaligi korxonalarisiz shakllantirilgan.

Respublikaning barcha korxonalar va tashkilotlari, jumladan kichik korxonalar, mikrofirmalar, fermer xo'jaliklari bo'yicha o'rtacha oylik ish haqi to'g'risidagi ma'lumotlar yilda bir marotaba shakllantirilib, e'lon qilinadi.

**Ma'lumot uchun:** O'zbekiston Respublikasi Prezidentining 2014-yil 7-apreldagi PF-4609-son Farmoniga muvofiq, kichik tadbirkorlik sub'ektlari va fermer xo'jaliklari statistika hisobotlarini statistika idoralari yilda bir marotaba taqdim etishi belgilangan.

**Nominal hisoblangan ish haqi** – ma'lum bir davr (soat, oy, yil) mobaynida xodim tomonidan ishlab chiqarilgan mahsulot (bajarilgan ish yoki ko'rsatilgan xizmat) evaziga ish beruvchilar tomonidan, amaldagi qonun hujjatlariga asoslangan holda soliq va boshqa to'lovlarni o'z ichiga oluvchi yollanma xodimning mehnatiga haq to'lash tarzida jismoniy shaxsga pul shaklida hisoblangan daromadlardan iborat.

**Hisobot oyi uchun** nominal hisoblangan ish haqi quyidagicha hisoblanadi:

$$W_n = \frac{F}{L}$$

bunda:

$W_n$  – nominal hisoblangan ish haqi;

$F$  – hisobot oyi uchun jismoniy shaxslarga hisoblangan mehnatga haq to'lash tarzidagi daromadlar;

$L$  – hisobot oyi uchun xodimlarning o'rtacha soni;

Nominal hisoblangan o'rtacha oylik ish haqini hisoblash O'zbekiston Respublikasi Milliy statistika qo'mitasining 2025-yil 30-maydagi 8-sonli qarori bilan tasdiqlangan "Iqtisodiyotda ish haqi miqdorini baholash bo'yicha uslubiy nizom"ga muvofiq amalga oshiriladi.

Metama'lumot uchun havola:

<https://lib.stat.uz/uz/features/demografiya-va-mehnat/1018-milliy-gender-statistikasi-ko-rsatkichlarini-shakllantirish-bo-yicha-uslubiy-nizom-2>

**Tayyorlash uchun mas'ul:**  
Demografiya, mehnat va gender  
statistikasi bo'limi

**Ijrochi:**  
D.Abdimurodov  
79 222-80-00 (8570)

**Manzil:**  
Navoiy shahri,  
A.Temur ko'chasi, 4-uy